

**ZOMIN
TUMANLARARO
IQTISODIY SUDI**

130800, Зомин тумани, Небўса
қишлоғи



**ZAAMIN INTER-
DISTRICT
ECONOMIC COURT**

130800, Nebusa village of Zaamin
dictirict

Tel: 8(372) 224-01-21, Fax: 224-01-21
Эл.почта: i.zomin@sud.uz

Веб-сайт: www.sud.uz

**Ўзбекистон Республикаси номидан
ҲАЛ ҚИЛУВ ҚАРОРИ**

Зарбдор тумани

2021 йил 16 сентябрь

4-1303-2101/1169-сонли иш

Зомин туманлараро иқтисодий судининг судьяси Ш.Х.Бегматов раислигида, судья ёрдамчиси М.Назаров котиблигида, Ўзбекистон Савдо-саноат палатаси Жиззах вилояти ҳудудий бошқармасининг даъвогар “ZARBDOR-ZOMIN G`ALLA KLAUSTER” масъулияти чекланган жамияти манфаатида жавобгар “YONTOQSOY” фермер хўжалигига нисбатан берган даъво аризаси бўйича ишни даъвогар вакиллари Х.Эргашев, Т.Номуратов (ишончномага асосан), жавобгар вакили Р.Мухаммадиев (раҳбар) иштирокида, “ZARBDOR-ZOMIN G`ALLA KLAUSTER” масъулияти чекланган жамияти маъмурий биносида очик сайёр суд мажлисида кўриб чиқиб, суд қуйидагиларни

А Н И Қ Л А Д И:

Ўзбекистон Савдо-саноат палатаси Жиззах вилояти ҳудудий бошқармаси (кейинги ўринларда матнда Палата деб юритилади) даъвогар “ZARBDOR-ZOMIN G`ALLA KLAUSTER” масъулияти чекланган жамияти (кейинги ўринларда матнда Даъвогар деб юритилади) манфаатида судга даъво ариза билан мурожаат қилиб, жавобгар “YONTOQSOY” фермер хўжалиги (кейинги ўринларда матнда Жавобгар деб юритилади) дан 5161500 сўм жарима ундиришни сўраган.

Суд мажлисида иштирок этган даъвогар вакиллари суд мажлиси кунига қадар жавобгар томонидан қарздорлик тўлиқ қопланганлигини, бугунги кунда қарздорлиги йўқлигини, бунини тасдиқловчи маълумотномани судга тақдим қилиб, даъво аризани қонуний ҳал қилишни сўрашди.

Суд мажлисида иштирок этган жавобгар вакили даъво талабига нисбатан эътироз билдириб, даъвогар олдида қарздорлиги мавжуд эмаслигини маълум қилиб, даъво аризани рад қилишни сўради.

Ишдаги мавжуд ҳужжатлар ва суд муҳокамасидан аниқланишича, 2021 йилда “Ғаллачилик кластери билан фермер хўжалиги ўртасида бошоқли дон харид қилиш бўйича фьючерс шартномаси тузилган. Унга кўра жавобгар дон маҳсулоти етказиб бериши, даъвогар эса тегишли миқдорда уруғлик билан таъминлаш ва маҳсулотни қабул қилиб олгач, белгиланган муддатда ва нархларда унинг қийматини тўлаши лозим бўлган. Мазкур шартноманинг 2.2-бандига кўра, жавобгар шартномада кўрсатилган миқдор ва ассортиментдаги маҳсулотни 2021 йилнинг 10 августидан кечиктирмай етказиб бериш мажбуриятини олган бўлса-да, бироқ маҳсулот топшириш бўйича шартномавий мажбурият бажарилмаган.



Даъво аризасида топширилмай қолган маҳсулот қийматининг 30 (ўттиз) фоизи миқдоридаги жарима 4278000 сўмни ташкил этган ва ушбу жаримани жавобгардан ундириш сўралган.

Ўзбекистон Республикаси Фуқаролик кодексининг 236-моддасига кўра мажбуриятлар мажбурият шартларига ва қонун ҳужжатлари талабларига мувофиқ лозим даражада бажарилиши керак. Даъвогар жавобгарга уруғлик дон маҳсулоти берганлиги ва жавобгар томонидан шартномавий режа бажарилмаганлиги ишдаги ҳужжатлар билан тасдиқланади. Тарафлар ўртасида тузилган шартномага кўра, шартномада белгиланган ассортимент ва турларда, муддатларда топширишдан асоссиз бўйин товланган тақдирда, хўжалик тайёрловчига топширилмаган маҳсулот қийматининг 30 (ўттиз) фоизи миқдорида жарима тўлайди деб белгиланган.

Ўзбекистон Республикаси Фуқаролик кодексининг 326-моддасига кўра, агар тўланиши лозим бўлган неустойка кредиторнинг мажбуриятини бузиш оқибатларига номутаносиблиги кўриниб турса, суд неустойкани камайтиришга ҳақли. Бунда қарздор мажбуриятини қай даражада бажарганлиги, мажбуриятда иштирок этаётган тарафларнинг мулкӣ аҳволи, шунингдек кредиторнинг манфаатлари эътиборга олинади керак.

Лекин суд мажлиси кунига қадар жавобгар қарздорлигини тўлиқ қоплаганлигини, ушбу ҳолат тарафлар вакилининг суддаги кўрсатмаси ва даъвогар томонидан судга тақдим қилинган 2021 йил 16 сентябрдаги 54-сонли маълумотномага кўра жавобгарнинг бугунги кунда қарздорлиги мавжуд эмаслигини инобатга олиб, даъво талабини қаноатлантиришни рад қилишни лозим деб ҳисоблайди.

Мазкур қонун талабларига асосан суд даъво талабини қаноатлантиришни рад этишни, суд харажатларини Ўзбекистон Республикаси Иқтисодий процессуал кодексининг 118-моддасига мувофиқ жавобгар зиммасига юклашни лозим деб топади.

Юқоридагиларга кўра ва Ўзбекистон Республикаси Фуқаролик кодексининг 236, 326, 333, 466-моддалари, Ўзбекистон Республикаси Иқтисодий процессуал кодексининг 118, 176-180-моддаларини қўллаб, суд

Қ А Р О Р Қ И Л Д И:

Даъво талабини қаноатлантириш рад этилсин.

“YONTOQSOY” фермер хўжалигидан “ZARBDOR-ZOMIN G`ALLA KLAster” масъулияти чекланган жамияти фойдасига 19.600 сўм почта харажати ундирилсин.

“YONTOQSOY” фермер хўжалигидан Республика бюджети ҳамда суд ҳокимияти органларини ривожлантириш жамғармасига 245000 сўм давлат божи ундирилсин.

Ҳал қилув қарори қабул қилинган пайтдан бир ой муддат ўтгач қонуний кучга киради.

Ҳал қилув қарори қонуний кучга киргач шу ҳақда ижро варақалари берилсин.

Мазкур ҳал қилув қарор устидан бир ой муддат ичида шу суд орқали Жиззах вилоят судига апелляция тартибида шикоят қилиш (протест келтириш) мумкин.

Раислик этувчи, судья

Ш.Х.Бегматов

